
**ԿԻՂԻՎԻՈ ԿԱԹՈՂԻԿՈՍՈՒԹՅԱՆ ՀԱՐԱԲԵՐՈՒԹՅՈՒՆՆԵՐԸ
ԷԶՄԻԱՍՆԻ ԱՄԵՆԱՅՆ ՀԱՅՈՑ ԿԱԹՈՂԻԿՈՍՈՒԹՅԱՆ ՀԵՏ ՄԻՄԵՆՈՆ
ՍԵՔԱՍՏԱՑՈՒ ԱԹՈՌԱԿԱԼՄԱՆ ՇՐՋԱՆՈՒՄ**

ԹԻՆՈՅԱՆ Դ. Ֆ.

Կիլիկիո կաթողիկոսությունը, XVII դ. երկրորդ կեսին կորցրած լինելով իր համահայկական նշանակությունը և գտնվելով օսմանյան տիրապետության տակ, այնուամենայնիվ, շարունակում էր մնալ հայ հոգևոր ու աշխարհիկ կյանքի կարևորագույն կենտրոններից մեկը¹: Դրա հետ մեկտեղ XIII-XIV դդ. արդեն Մեծ Հայքի հոգեվոր և աշխարհիկ վերնախավի շրջանում խմորվում էր կաթողիկոսական աթոռը Էջմիածին տեղափոխելու գաղափարը, որն ի վերջո իրականացավ 1441 թ.: Կիլիկիո աթոռակալներից ոմանք ամեն կերպ փորձում էին եթե ոչ վերականգնել իրենց գերակա դիրքը, ապա գեթ հավասար իրավունքներ ունենալ Էջմիածնի հետ: Ընդ որում, այդ հարաբերությունները հաճախ ընդունում էին թշնամական բնույթ: Այդ առումով ուշագրավ է Միմենո II Սեբաստացու աթոռակալումը: Մինաս Քացախ Սսեցու (1621-1632 թթ.) մահից հետո Կիլիկիո կաթողիկոսական աթոռին բազմեց Միմենո II Սեբաստացին (1633- 1648 թթ.)՝ XVII դ. Կիլիկիո հոգևոր-եկեղեցական նշանավոր գործիչներից մեկը: Միմենոնի նախորդ Մինաս կաթողիկոսը վախճանվել էր Երզնկայում, ուր գնացել էր իր ուսուցիչ Մինաս Երզնկացու մահվան կապակցությամբ պատարագ մատուցելու: Մակայն, ըստ Բ. Կուլեսերյանի, Միմենոնը կաթողիկոս օծվեց միայն 1633 թ. դեկտեմբերի 8-ին²: Բացի այդ, նոր կաթողիկոսի ընտրությունը անցնում տեղի չունեցավ: Ըստ Գրիգոր Դարանաղցու՝ կաթողիկոսի մահից հետո «...կիլիկեցիքն՝ քահանայք եւ սօլվաթաւորքն կոչեցին ի Միս ԳԿեսարացի Գրիգորն՝ մեծ եւ աւագ վարդապետ համարելով»³: Չնայած ժողովի բավական պատկառելի ներկայացուցչական կազմին, այնուամենայնիվ, կաթողիկոսի ընտրության հարցում վճռական էր հենց Գրիգորի դիքորոշումը: Պետք է նշել, որ Գրիգոր Կեսարացու հեղինակությունը և ազդեցությունը մանավանդ Կիլիկիայի հայ աշխարհիկ ու հոգևոր վերնախավի վրա բավական մեծ էին: Հենց նա էր 1602 թ. հաշտեցրել Կիլիկիո երկու կաթողիկոսներին՝ Հովհաննես Անթեպցուն և

¹ Գ. Հարությունյանը իրավամբ նշում է. «Անկախ նրանից, որ հոգևոր նվիրապետը շարունակում էր ներկայանալ հայոց կաթողիկոսի տիտղոսով և աշխատում էր պահպանել նախկին վիճակը (1292 թ. հետո - Թ. Դ.), կաթողիկոսությունը դանդաղորեն պարփակվում էր կիլիկյան պետականության համակարգում.» (Պատմության հարցեր, Տարեգիրք, 2009, N 1, էջ 53):

² Պատմություն կաթողիկոսաց Կիլիկիոյ (1441-էն մինչեւ մեր օրերը), գրեց Բարգէն Ա աթոռակից կաթողիկոս Մեծի տանն Կիլիկիոյ (այսուհետև՝ Պատմություն կաթողիկոսաց Կիլիկիոյ), Անթիլիաս, 1939, սյուն 305:

³ Ժամանակագրություն Գրիգորի վարդապետի Կամախեցոյ կամ Դարանաղեցոյ, Երուսաղեմ, 1915 թ., էջ 337 (այսուհետև՝ Դարանաղցի). տես նաև Հայերեն ձեռագրերի հիշատակարաններ, ԺԷ դար, հ. Բ, Ե., 1978, էջ 528:

Պետրոս Կարկառեցուն: Կեսարացին սկզբնապես առաջադրեց Ներսես Սեբաստացի վարդապետի թեկնածությունը, որը ժողովի մասնակիցները ընդունեցին առանց որևէ առարկության: Թե որքան մեծ էր Կեսարացու ազդեցությունը, վկայում է նրա՝ Ներսեսի կաթողիկոսության դիմաց առաջ քաշած պահանջը, այն է՝ նոր կաթողիկոսը պետք է թուղթ ստորագրեր, ըստ որի, առանց իր համաձայնության և հրամանի չձեռնարկել ոչինչ: Եվ այդ առումով այս կաթողիկոսական ընտրությունը առանձնանում է մնացյալներից: Կաթողիկոսի ընտրությունը կատարվում էր մեկ մարդու կողմից, և դա նույնիսկ իրավական ձևակերպում պետք է ստանար: Այս պահանջի կատարմամբ Ներսեսի կաթողիկոսությունը փաստացիորեն կվերածվեր ձևական կառավարման: Ուստի և Ներսեսը հրաժարվեց կաթողիկոսական աթոռից՝ նշելով. «...յորժամ բան եւ գործ կատարելու լինայ, որ արժանն է, եւ զինքդ յուր գտանիցեմ. եւ այս կերպիւ հակառակութեան բան էարկ ի միջի, որ խափանեաց»⁴: Այս ձախողումից հետո Կեսարացու թեկնածությունը կանգ է առնում Սիմեոն Սեբաստացու վրա, որը համաձայնում է Կեսարացու պայմաններին, այն է՝ կաթողիկոսական գործերը վարել վերջինիս ենթակայության ներքո: Դարանաղցին այդ կապակցությամբ նշում է. «Եւ կոչեաց զՍիմեոն եպիսկոպոսն, որ ի մանկութենէ սպասաւոր եւ ժամասաց էր երկուց կաթողիկոսացն, բայց չէր նման Ներսեսին ամենայն իրօք, նա էտուր ձեռագիր որպէս կամեցաւ»⁵: Այստեղ Դարանաղցին, Սիմեոնին համեմատելով Ներսես Սեբաստացու հետ, նրան ներկայացնում է ընդգծված հեզմական ոճով: Չնայած դրան, հաջորդ իսկ պարբերության մեջ Դարանաղցին գրում է. «Եւ յորժամ ինքն (Կեսարացին - Թ. Դ.) եկաւ յԸստամբօլ պատրիարք եղեւ Գրիգորն, զՍիմեոնն հետ երբ, որ բնաւ չէր հաւանիր իւր արարմանցն, եւ յետոյ հրաժարեալ գնաց ի Սիւ, եւ ոչ հարցանել եւ կամ հրաման խնդրել յիւրմէն, ոչ ձեռագիր եւ ոչ երդումն, զինչ որ կամի՝ այնպէս կու առնէ եւ բնաւ ի մարդոյ կարգի չհամարելով, մինչեւ այսր ժամանակի»⁶: Ըստ ամենայնի, Կեսարացին, ստանձնելով Կոստանդնուպոլսի հայոց պատրիարքի պաշտոնը և Սիմեոնին իր հետ տանելով, նպատակ ուներ իր անմիջական վերահսկողության տակ պահել Գիկիկիո կաթողիկոսին, քանզի իր համար վերջինիս ստորագրած պարտավորագրերը հնազանդության ապահովության հուսալի երաշխիք չէին: Ցավոք, չկա որևէ այլ սկզբնաղբյուր այդ փաստերը հանգամանալից համադրելու համար, սակայն հավաստի է, որ արդեն 1634 թ. Սիմեոնը արդեն Ստում էր: Այս ամենն հաշվի առնելով՝ կարծում ենք, որ ականավոր հետազոտող Բ. Կյուլեսերյանը սխալվել է Սիմեոնի գահակալման թվագրման հարցում, քանզի քիչ հավանական է, որ վերջինս, 1633 թ. օծվելով, գնար Կոստանդնուպոլիս, վերադառնար և 1634-ով թվագրվող պատասխան նամակ հղեր Էջմիածնի Փիլիպպոս Աղբակեցի կաթողիկոսին (1633-1655 թթ.): Առավել հավանա-

⁴ Դարանաղցի, էջ 337:

⁵ Նույն տեղում, էջ 337-338:

⁶ Նույն տեղում, էջ 338:

կան է, որ կաթողիկոսի ընտրությունը տեղի ունեցած լինելը 1632 թ. վերջ - 1633 թ. սկիզբն ընկած ժամանակահատվածում, իսկ 1633 թ. դեկտեմբերի 8-ի օծումը տեղի է ունեցել Միմեոնի՝ Կոստանդնուպոլսից վերադառնալուց հետո: Այսպես, նույն Ներսես Սեբաստացու թողած հիշատակարանում, որը թվագրված է 1633 թ. մարտի 23-ով, արդեն հիշատակվում է Միմեոնը՝ որպես կաթողիկոս⁷: Ցավոք, աղբյուրները լռում են նաև Միմեոնի՝ Կոստանդնուպոլսից վերադառնալու հանգամանքների մասին: Պարզ է մի բան, որ ընդհուպ մինչև Գրիգոր Կեսարացու մահը՝ 1636 թ.⁸, Միմեոնը միանգամայն ինքնուրույն գործունեություն էր իրականացնում: Ավելին, վերադառնալուց հետո Միմեոնը իրեն է մերձեցնում կաթողիկոսական աթոռի նախկին հավակնորդին՝ Ներսես Սեբաստացուն: Դրա մասին վկայությունն այն է, որ 1638 թ., Երուսաղեմ այցելության առիթով Միմեոնի շքախմբում հիշատակվում է նաև Ներսես վարդապետը⁹, որն, ամենայն հավանականությամբ, նույն Սեբաստիայի եպիսկոպոս Ներսես վարդապետն էր: Միմեոնի՝ ավելի քան մեկ և կես տասնամյակ տևած աթոռակալման թերևս ամենահիշարժան իրադարձությունը Փիլիպպոս Աղբակեցու հետ ունեցած նամակագրությունն է, առավել ստույգ՝ նրան ուղղված նշանավոր «Թուղթը»: Այս նույն շրջանում՝ 1633 թ., Էջմիածնում Ամենայն հայոց կաթողիկոս է օծվում Էջմիածնի թերևս ամենաեռանդուն ու նշանավոր աթոռակալներից մեկը՝ Փիլիպպոս Աղբակեցին: Նրա ողջ գործունեությունը միտված էր Էջմիածնի գերակայությունը հայաբնակ ողջ տարածքներում ամրակայելուն, որի նպատակով էլ տեղի ունեցավ նաև «Սուրբ աջի» վերադարձը Էջմիածին: Նրա այս ուղեգծի մեջ էր մտնում ինչպես Աղթամարի, Աղվանից, այնպես էլ Կիլիկիո կաթողիկոսությունների և Կ. Պոլսի ու Երուսաղեմի պատրիարքությունների կողմից Էջմիածնի Մայր Աթոռի գերակայության ճանաչումը, որը հիմնականում Փիլիպպոսին հաջողվեց¹⁰: Այդ գործունեության շրջանակում պետք է դիտարկել նաև նրա՝ Կիլիկիո կաթողիկոսության հետ սկսած նամակագրական կապը: Ընդ որում, այդ նամակագրությունը երկու հոգևոր հաստատությունների միաժամանակյա, գրեթե երկդարյա պատմության առաջին՝ իրոք թշնամական հարաբերությունների վկայությունն է: Այն իր վիրավորական ու թշնամական բնույթով աննախադեպ էր կողմերի փոխհարաբերություններում: Նամակագրության հիմնական նյութը, ինչպես նշեցինք, առնչվում է երկու կաթողիկոսությունների իրավասությունների սահմանման կնճռոտ խնդրին և արժեքավոր է նրանով, որ XVI- XVII դդ. երկու աթոռների միջև առկա իրավասությունների սահմանմանն առնչվող՝ մեզ հասած փաստագիտորեն միակ նամակագրական աղբյուրն է: «Կ'ենթադրենք,- գրում է Բ.

⁷ Հայերեն ձեռագրերի հիշատակարաններ, ԺԷ դար, հ. Բ, Ե., 1978, էջ 502:

⁸ Գրիգոր Դարանաղցին Կեսարացու մահվան երկու թվական է հիշատակում՝ 1635 և 1636 թթ. (տե՛ս Դարանաղցի, էջ 365, 434). առավել հավանական ենք համարում 1636 թ.:

⁹ Մաւալանեանց Տիգրան Զ. Թ., Պատմութիւն Երուսաղեմի (այսուհետև՝ Պատմութիւն Երուսաղեմի), հ. Առաջին, Երուսաղեմ, 1931, էջ 587:

¹⁰ Տե՛ս Թորոսյան Զ., Էջմիածնի վանական տնտեսությունը XV-XVIII դարերում, Ե., 2007, էջ 54-57:

Կյուլեսերյանը,- որ բազում թղթակցութիւններ եղած ըլլան երկու այթոռներու միջեւ այսպիսի խնդիրներու շուրջ, բայց անոնք կորսուած են, և միայն Միմէնս Բ-ի այս թուղթն է, որ հասած է մեզի...»¹¹: Նման ենթադրություն է անում նաև Հուսիկ եպիսկոպոսը. «Կիլիկիայի կաթողիկոսները իրանց թեմի շրջանից դուրս վիճակների գործերին խառնվելով՝ մեծամեծ խռովութիւնների պատճառ էին դառնում»¹²: Մեզ հասել է միայն Միմէնսի պատասխան նամակը Փիլիպպոս Աղբակեցուն: Դատելով Միմէնսի պատասխանի վերավորական ոճից՝ կարելի է ենթադրել, որ Փիլիպպոսի նամակը լի է եղել վերամբարձ և մեղադրական արտահայտություններով: Նամակի շարադրման առիթ էր դարձել Անկյուրիո թեմի Թորոս եպիսկոպոսի ձեռնադրումը Միմէնսի կողմից, որը ստացել էր լայն հնչեղություն: Նամակը թվագրվում է 1634-ով¹³, որից պարզ է դառնում, որ այթոռակալման սկզբից նեթ Փիլիպպոսը ձեռնամուխ է եղել Էջմիածնի գերագահության ամրակայմանը: Միմէնսի պատասխան նամակը սկսվում է Փիլիպպոսի առաջարկած սիրո գաղափարի ժխտմամբ. «Այո, ճշմարտութեամբ ասես զայս. բայց զի նչ է կարգ սիրոյ. այսինքն երկու են, նախ խընդրելով զփոխարէնն զսիրելն, իբրեւ զդժոխս նախանձ. այո ճշմարտութեամբ ասես եւ այս պակաս է, զի որ խնդրէ, պակաս առնէ զխնդրելին: Իսկ երկրորդ սերն առանց խնդրելոյ սիրեն եւ այս գերադրական է, զի Աստուծոյ նմանի»¹⁴: Չժխտելով Կյուլեսերյանի ենթադրությունը, որ նամակը կրել է մեղադրական և վիրավորական բնույթ, փաստենք, որ Միմէնսի պատասխանի սկզբից պարզ է դառնում, որ Էջմիածնի այթոռը, այդուամենայնիվ, սիրո և միաբանության կոչ է արել: Դատելով հետագա տողերից՝ սիրո և համերաշխության կոչերով Փիլիպպոսը նկատի է ունեցել իր հովվապետական սերը Կիլիկիո կաթողիկոսության թեմերի ազգաբնակչության հանդեպ՝ որպէս գերագույն հոգևոր առաջնորդ: Թե որքան մեծ է եղել թշնամանքը, առավել ակնառու է հաջորդ պարբերությունից, որտեղ Կիլիկիո այթոռակալը չի խորշում անգամ անձնական բնույթի վիրավորանքներից. «Եւ մտերիմ սերն այն է որ գործով խնամք կը տանի եւ մտօք կը սիրէ... Բայց տեսանեմ ի սոցանէ ի քեզ եւ ոչ զմին. զի հեռի են այս ամենայն ի քէն. զի միայն լեզու տոչորես ի սիրոյ եւ ոսկերք քո վասն առաւել նախանձու մշտակէզ առնեն զքեզ... Ահա բանի քո զքեզ ստես, ոչ ի քեզ սիրոյ հուր կայ եւ ոչ տոչորումն եւ ոչ մշտակէզ ոսկերացն այրումն... վասն զի

¹¹ Պատմութիւն կաթողիկոսաց Կիլիկիոյ, սյուն 313:

¹² **Յուսիկ եպիսկոպոս**, Եկեղեցի Հայաստանեայց, Հայրապետական այթոռի մասին (Արարատ, 1904, համար Ա, յունուար, էջ 24.):

¹³ Մ. Օրմանյանը Փիլիպպոսի նամակը թվագրում է 1636-ով (տե՛ս Ազգապատում, Հայ ուղղափառ եկեղեցւոյ անգքերը սկիզբէն մինչեւ մեր օրերը (այսուհետև՝ Ազգապատում), գրեց **Սաղաքիա արքեպիսկոպոս Օրմանեան**, Մ. Էջմիածին 2001, հ. Բ, սյուն 2846:

¹⁴ **Յուսիկ եպիսկոպոս**, Եկեղեցի Հայաստանեայց, Հայրապետական այթոռի մասին (այսուհետև՝ Յուսիկ եպիսկոպոս), Արարատ, 1904, համար Դ, յունուար, էջ 378:

սերն ի սրտե գունդն. եւ զի քո սերդ ոչ ի սրտե է եւ ոչ հոգևոր եւ ոչ մարմնաւոր»¹⁵: Այդուհետև, Միմեոնը չընդունելով «սիրո և համերաշխության» առաջարկը, հայտնում է, որ այստեղ Փիլիպպոսի ո՛չ անունն են լսել և ո՛չ էլ նրա գործերից են տեղյակ: Շարունակելով մեղադրանքները Էջմիածնի հանդեպ՝ Միմեոնը անցնում է առավել առարկայական մեղադրանքների. «Դուք ընդէ՞ր զԱղուանից տունն յափշտակեցիք, զոր ի ձեր թուղթն գրեալ էիք, թէ ինքն գլուխ աթոռ է ի Սուրբ Լուսաւորչէն կարգեալ: Նոյնպէս եւ զԱղթամարայն ընդ ձեր իշխանութեամբ նուաճեցիք»¹⁶: Դատելով այս պատասխանից՝ կարելի է կարծել, որ Միմեոնը, բացի Փիլիպպոսին մեղադրանքներ ներկայացնելուց, լուրջ մտավախություններ է ունեցել, որ Փիլիպպոսը նմանատիպ նկրտումներ ուներ նաև Գիլիկիոն աթոռի հանդեպ:

Ցավոք, պարզ չէ՝ Ամենայն հայոց կաթողիկոսը երկու աթոռների միության ուղիղ առաջարկ արե՞լ է, թե՞ ոչ, սակայն կարելի է կարծել, որ Միմեոնը նամակը և դրա ենթադրյալ վերամբարձ տոնը դիտարկել է հենց այդ տեսանկյունից: Այդուհետև, Միմեոնը փորձում է հիմնավորել Գիլիկիոն աթոռի համահայկական իրավունքները. «...Առաջին կաթողիկոսութիւնն ի Սրբոյն Գրիգորէ Լուսաւորչէ այտի էառ սկիզբն, եւ նստան մինչեւ ցՅովսէփ տասներկու կաթողիկոսներ ի Վաղարշապատ, եւ անտի փոխեցան ի Դվին... եւ եկեալ Աջը ի Գիլիկիա, որ այժմ ասի Միս, առ թագաւորն հայոց երկրորդ շէթումն: Եւ շինուեցան կաթողիկէ տաճարքն Էջմիածին եւ Ս. Սովիի եւ Ս. Աստուածածին անուանեալք ի խորհուրդ այդ եկեղեցեացդ (այսինքն՝ Էջմիածնի եկեղեցիների նմանությամբ - Թ. Դ.):» Փաստորեն, Միմեոնը, նշելով, որ Էջմիածինը որպէս հոգևոր կենտրոն կարճ ժամանակ է գործել, միննույն ժամանակ ընդունում է վաղարշապատյան սրբատեղիների կարևորությունը՝ հավելելով, սակայն, դրանց կրկնօրինակների առկայությունը Սսում: Դրա հետ մեկտեղ, մեղադրանք է ներկայացվում Փիլիպպոսին, որ վերջինս իրեն՝ Միմեոնին, կոչել է «անվանեալ կաթողիկոս»: Շարունակելով միտքը՝ Գիլիկիոն աթոռակալը առավել ծանր մեղադրանք է ներկայացնում «արևելցիներին». «...Ի թուին հայոց ՉՃՂ(1441), անհնազանդ եղեալ ձեր արեւելեան կողմիդ ի սուրբ Լուսաւորչի Աթոռոյս եւ ձեռնադրեցին ըստ կամաց իւրեանց զԳիրակոս կաթողիկոս Խորվիրապեցին դապալայով (կաշառք - Թ. Դ.)...»¹⁷: Այսպիսով, Լուսավորչի աթոռը, համաձայն Միմեոնի, կարող էր տեղակայված լինել բացառապէս Սսում, իսկ Էջմիածնի կաթողիկոսությունը հիմնված էր կաշառքի վրա և իրավապէս ու բարոյապէս որևէ համահայկական հավակնություն չէր կարող ունենալ: Նշենք, որ համահայկական կաթողիկոսական աթոռը Էջմիածին տեղափոխելու քաղաքական, տնտեսական ու մշակութային հիմքերը լուսաբանված են, և այս հոդվածում դրա քննարկման անհրաժեշտությունը չկա: Երկու կաթողիկոսությունների միջև գոյություն ունեցող

¹⁵ Նույն տեղում, էջ 379:

¹⁶ Նույն տեղում, էջ 381:

¹⁷ Նույն տեղում, համար Ե., էջ 478-479:

թերևս ամենակնճռոտ հարցերից մեկը կողմերի ֆինանսներին վերաբերող՝ թեմերի պատկանելության և դրանցում ձեռնադրություններ անելու իրավունքին առնչվող խնդիրն էր: Դատելով պատասխանից՝ Կիլիկիո կաթողիկոսների կողմից էջմիածնական թեմերում ձեռնադրություններ կատարելու մեղադրանքը հնչեցրել էր Փիլիպպոսը: Միմեոնը, թվարկելով իր նախորդ կաթողիկոսների՝ Խաչատուրի, Պետրոսի և Ազարիայի կատարած ձեռնադրությունները, հարցնում է. «..Ապա եւ մեք ընդէ՞ր ոչ ունիմք իշխանութիւն ձեռնադրելոյ ըստ վերոգրելոցս»¹⁸: Ապա Միմեոնը մատնանշում է Փիլիպպոսի և նրա նախորդների կատարած ձեռնադրությունները Կիլիկիո կաթողիկոսարանի թեմերում: Մ. Օրմանյանը, չնայած իր ընդգծված «էջմիածնական» դիրքին, նշում է, որ «Երկուքին (երկու կաթողիկոսությունների - Թ. Ղ.) ալ սահմանները ոչ սկիզբէն, եւ ոչ յետոյ որոշ գծուած չէին, եւ քաղաքական տիրապետութեանց համեմատ կը փոխուէին իրաւասութեանց վիճակները»: Այսինքն, XVII դ. առաջին կեսին երկու կաթողիկոսարանների թեմերն ու իրավասությունների սահմանը դեռևս ամբողջությամբ հստակեցված չէին: Անշուշտ, կային թեմեր, որոնց պատկանելությունը կասկած չէր հարուցում, բայց դրա հետ մեկտեղ շատ ավելին էին «վիճահարույց թեմերը»: Շարունակելով միտքը՝ Օրմանյանը իրավամբ նշում է. «..Մայր աթոռի անկարգ անկանոն կացութիւնը, մանաւանդ վերջին ժամանակներու մէջ, համարձակութիւն տուեր էին միւս աթոռներուն ուզածնուն պէս գործել եւ ուզած կողմերնուն համար եպիսկոպոսներ ձեռնադրել»¹⁹: Նման պայմաններում, բնական է, որ «մրցակից» հովվապետը ձգտելու էր լայնացնել իր իրավասությունների շրջանակը, սակայն այդ գործելակերպը հավասարապես կարող էր կիրառվել նաև էջմիածնի աթոռի կողմից: Փիլիպպոսը, դատելով պատասխան նամակից, բանադրանքի է ենթարկել Կիլիկիո կաթողիկոսի կողմից օժված հոգևորականներին, ինչն էլ ավելի է բարկացրել Միմեոնին. վերջինիս պատասխանը առավել քան խոսում է. «Ասացեալ ես թէ զինչ օգուտ եղեւ քո օրհնելն եւ մեր բանադրելն. իսկ զսոսա բանադրես, թէ Սոսոյ էք օրհնեալ, մինչ Սոսոյ ձեռնադրողքն ամենեքեան բանադրեալք են, ուրեմն այս վերոգրեալքն ամենեքեանքն բանադրեալք կու լինին ըստ քո. իսկ թէ այդպես է, վախճանեալքն ի հող, եւ կենդանիքն ի մէջ աշխարհի բանադրէ, որ սիրտդ պաղի»²⁰:

Այդուհետև Միմեոնը անդրադառնում է Թորոս եպիսկոպոսի ձեռնադրման խնդրին՝ նշելով, որ Գրիգոր Կեսարացու հետ Կոստանդնուպոլիս մեկնելու ճանապարհին, երբ կանգ են առնում Անկյուրայում, այդժամ մահացած Ղուկաս եպիսկոպոսի փոխարեն, անսալով տեղի հայության խնդրանքին, Թորոսին կարգում են Անկյուրայի վանահայր: Կոստանդնուպոլսից վերադառնալուց արդեն Միմեոնը կրկին «անսալով» տեղի հայության և նույնիսկ այլազգիների խնդրանքին,

¹⁸ Նույն տեղում, համար Է-Ը, էջ 714:

¹⁹ Ազգապատում, սյուն 2844:

²⁰ Յուսիկ եպիսկոպոս, համար Է-Ը, էջ 715:

եպիսկոպոս է օծում Թորոսին: Դա հարուցում է ոչ միայն Փիլիպպոսի, այլ նաև Սիմեոնի՝ արդեն նախկին հովանավոր Գրիգոր Կեսարացու բարկությունը: Միմեոնը իր պատասխանում որևէ կերպ չի թաքցնում, որ Անկյուրան թեև համարում է Էջմիածնի նվիրապետական թեմ, ուստի պատահական չէ, որ այս դեպքի հետ կապված հասարակական մեծ հնչեղությունից հետո նա Թորոսին բերում է Սիս՝ առաջարկելով Սսին ենթակա թեմերից որևիցե մեկի եպիսկոպոսությունը: Ամենայն հավանականությամբ, Սիմեոնը սկզբում իրապես նպատակ է ունեցել «յուրացնել» այդ թեմը, սակայն հանդիպելով բուն հակադեցության (նաև Գրիգոր Կեսարացու կողմից, որի հետ հարաբերություններն արդեն Կոստանդնուպոլսից վերադառնալուց հետո սրվել էին)՝ հրաժարվում է այդ մտքից: Մ. Օրմանյանը, հենվելով այն փաստի վրա, որ Թորոսը, օժիված լինելով Կիլիկիո աթոռակալի կողմից, ի վերջո պաշտոնավարման է տեղափոխվում Սիս, ենթադրում է, որ դա տեղի է ունեցել Փիլիպպոսի նամակի շարադրումից հետո, այլապես այդ հարցը Էջմիածնի աթոռակալը չէր բարձրաձայնի²¹: Սակայն, կարծում ենք, որ եթե անգամ Փիլիպպոսը տեղեկացված լիներ Թորոսի՝ Սիս տեղափոխվելու մասին, ապա նա «մրցակից» կաթողիկոսին պահարակելու այդ հարմար առիթը բաց չէր թողնի: Թե որչափ խիստ է եղել Փիլիպպոսի նամակի ոճը, զգացվում է նաև պատասխան նամակում առաջ քաշված մեղադրանքներից. «...մեր օրհնելոյն պիտի դատաստան, ապա ձեր արարեալ բանից դատաստան չպիտի: Վասն Համագասպ եպիսկոպոսին, ո ըպիսի զանազան տանջանոք սպանել տուիք. եւ Ճանճի եպիսկոպոսն մարդակերաց, որոյ ականջն հատանել տուիք, եւ զՍերկելեցի արեղային զծածուկ անդամն կտրել տուիք եւ զԳառնեցի արեղայն հաւատոցն ուրացուցիք, զԶաքեոս արեղայն ֆռանկ առնել տուիք. նոյնպէս զՍահակ կաթողիկոսն եւ զՊողոս վարդապետն տաճկցնել տուիք... եւ ի Լեհու երկիրն անհաղորդ, անմասն, անթաղում ելան այնքան քրիստոնեայք... Այս բանիցս դատաստան չիկայ միայն մեզ կա յ»²²: Անշուշտ, այս մեղադրանքների զգալի մասը անհիմն կերպով են վերագրված Փիլիպպոսին, սակայն դրանց բարձրաձայնումը ևս խոսում է արդեն թշնամական փոխհարաբերությունների մասին: Նամակի վերջին հատվածում Սիմեոնը անուղղակի կերպով ակնարկում է իր՝ օսմանյան տերության կողմից հովանավորված լինելու մասին. «Ապա մեր երկրին կարող չէս ինչ առնել, հալովդ կացիր, զի այս երկիրս օսմանցոց երկիրն է, սոցա դատաստանն ուղիղ է. Աստուած զոցա թագաւորութիւնը հաստատ թող պահեսցէ եւ Սուլթան Սուրատին մէկ օրն Ռ (հազար - Թ. Դ.) արասցէ, եւ զիւրն թագաւորութիւնն օրհնեսցէ...»²³: Այս տողերը խոսում են այն մասին, թե որքան էին խորացել հակասությունները երկու հոգևոր հաստատությունների միջև, որ կողմերից մեկը նույնիսկ ակնարկում էր օտարի օժանդակության մասին: Նամակը Սիմեոնը եզրափակում է կրկին Կիլիկիո

²¹ Ազգապատում, սյուն 2851:

²² Յուսիկ եպիսկոպոս, համար Է-Ը, էջ 716:

²³ Նույն տեղում, էջ 722:

աթոռի օրինականության վերաբերյալ դրույթով. «Իսկ Վաղարշապատ նստողներուն նահապետն ու նախահայրն է ապստամբ Կիրակոս Վիրապեցին: Վասն զի ոչ թէ կաթողիկոսը, որ Ս. Լուսաւորչէն ի վեր ունէր հայրապետական յաջորդութիւնը, Սիս թողով իր աթոռը, ելաւ Վաղարշապատ գնաց, այլ վարդապետներէն Կիրակոս անուն մէկը, որ ապստամբութիւն կը խորհէր, գլուխ վերցուց»²⁴: Յավոք, ոչինչ հայտնի չէ Փիլիպպոսի արձագանքի մասին. Ս. Օրմանյանը, այս առնչությամբ վարկած է առաջ քաշում, որ նույնիսկ նամակը Էջմիածին չի հասել: Մյուս ենթադրությամբ, Ս. Օրմանյանը, հղում անելով Փիլիպպոսի խոհեմությանը, ենթադրում է, որ վերջինս, իրադրությունը էլ ավելի չարելու համար ուղղակի չի պատասխանում նամակին²⁵: Իր հերթին, Կոմիտէսեյանը գտնում է, որ այս պատասխանը ստանալուց հետո Փիլիպպոսը «դատաստան» անելու խընդրանքով դիմեց Գրիգոր պարոնտեր եպիսկոպոսին²⁶: Սակայն պատասխան նամակում պարզ ակնարկվում է, որ Փիլիպպոսը, այդ խնդրանքով դիմել է մինչև Սիմեոնին նամակ ուղարկելը: Աղբյուրների բացակայության պատճառով դժվար է հաստատապես պնդել այդ տեսակետներից որևէ մէկը: Սակայն փաստ է, որ Փիլիպպոսը, խիստ նամակ ուղարկելով հանդերձ, հաշտության ձեռք է մեկնում՝ առաջարկելով Գրիգոր պատրիարքի թեկնածությունը՝ որպէս հաշտարար դատավոր: Ի վերջո, ինչպէս ցույց տվեց ժամանակը, կողմերը 1638 թ. Գրիգոր պարոնտեր Երուսաղէմի պատրիարքի միջնորդությամբ (որին ժամանակին դիմել էր Փիլիպպոսը) Երուսաղէմում գումարված ժողովում եկան համաձայնության: «Սիմեոն կաթողիկոս, - գրում է Սավանայանցը, - իր ձեռագրով կը խոստանայ իր վիճակին չպատկանող եպիսկոպոսներ ու քահանաներ չձեռնադրել այլևս. նոյնպէս, կ'ըսէ՝ Էջմիածինի կաթողիկոսն ալ իր վիճակէն դուրս ուրէ մէկը պէտք չէ ձեռնադրէ»²⁷: Էջմիածնական կողմը այս ժողովին ներկայացված չէր, և այդ պարտավորագիրն ուղարկվեց Էջմիածին, որտեղ էլ այն ընդունվեց Փիլիպպոսի կողմից: Չնայած որ հակառակությունը կողմերի միջև շարունակվեց, և համաձայնագիրը կարճ ժամանակ անց խախտվեց, այդուամենայնիվ, դրա կայացումը մեծ նշանակություն ունեցավ երկու աթոռների փոխհարաբերություններում: Թէն Սիմեոնը աթոռակալեց մինչև 1648 թ., այսուամենայնիվ, նրա և Էջմիածնի փոխհարաբերությունների մասին այլևս ոչինչ հայտնի չէ: Իսկ այս փաստաթուղթը մնաց հայոց պատմության մեջ՝ որպէս երկու նվիրապետական աթոռների ժամանակի փոխհարաբերությունները բնորոշող դրվագ: Երկու աթոռների փոխհարաբերությունների հաջորդ դրվագը, որը լուծում տվեց շատ կնճռոտ հարցերի, կապված է արդէն Կիլիկիոն հաջորդ աթոռակալ Ներսէս Սեբաստացու հետ:

²⁴ Պատմութիւն կաթողիկոսաց Կիլիկիոյ, սյուն 336:

²⁵ Ազգապատում, սյուն 2853:

²⁶ Պատմութիւն կաթողիկոսաց Կիլիկիոյ, սյուն 307:

²⁷ Պատմութիւն Երուսաղէմի, էջ 588:

ОТНОШЕНИЯ КИЛИКИЙСКОГО КАТОЛИКОСАТА
С ЭЧМИАДЗИНСКИМ КАТОЛИКОСАТОМ ВСЕХ АРМЯН В ПЕРИОД
ПРАВЛЕНИЯ СИМЭОНА СЕБАСТАЦИ

ТИНОЯН Д. Ф.

Резюме

В письме, адресованном католикосу всех армян Филиппосу, Симэон II – католикос Киликийский всеми способами пытается обосновать приоритет Киликийского католикосата. Этот документ является уникальным в плане освещения истории Киликийского армянского католикосата.